

И ПОСЕМЪ НАЧЫНЕТЪ · ВЕЛИКОМЪ · ГЛАМЪ · ТРИ КРАТТЫ ·:- ·:- ·:-

ВЕЛИИ ІЕСИ ГИ И ЧЮДНА ДѢЛА ТВОЯ · И НИ ІЕДИНО ЖЕ СЛОВО ДОВѢЛЬНО ІЕСТЬ НА ПОХВАЛЕНИЕ ЧЮДЕСЪ ТВОИХЪ · СВОЕЮ БО ВЪЛЕЮ ѿ НЕБЫТЫЯ ВЪ БЫТЫЕ ПРИВѢЛЪ ІЕСИ ВЪСАЧЬСКАЯ · ТВОЕЮ ВЛАСТЮ СЪДЪРЖИШИ ТВАРЬ · И ТВОИМЪ ПРОМЫСЛОМЪ СТРОИШИ ВСЬ МИРЪ · ТЫ ѿ ЧЪТЫРЬ СЪСТАВЪ СЪСТАВИВЪ ТВАРЬ · ЧЕТЫРЕМИ ВРѢМЕНЫ КРУГЪ ЛѢТ УВѢНЧАЛЪ ІЕСИ · ТЕБЕ ТРЕПЕЦЮЮТЪ СИЛЫ МЫСЛЬНЫЯ ВЪСА · ТЕБЕ ПОЮТЪ СЛНЦЕ · ТЕБЕ СЛАВИТЬ ЛУНА · ТЕБЕ МОЛАТЬСЯ ЗВѢЗДЫ · ТЕБЕ ПОСЛУШАЮТЪ СВѢТЪ · ТЕБЕ ТРЕПЕЦЮЮТЪ БЕЗДНЫ · ТЕБЕ РАБОТАЮТЪ ИСТОЧЬНИЦИ · ТЫ ПРОПАЛЪ ІЕСИ НБО ТАКО И КЪЖЮ · ТЫ УТВѢРДИЛЪ ІЕСИ ЗЕМЛЮ НА ВОДАХЪ · ТЫ ОГРАДИ МОРЕ ПѢСКОМЪ · ТЫ КЪ ДЫХАНІЮ ВЪЗДУХЪ ПРОЛИЯ · АРХАНГЕЛЬСКЫЯ СИЛЫ ТЕБѢ СЛЖАТЬ · И АНГЛЪСТИИ ЛИКЪ ВЪ ТЕБЕ КЛАНАЮТСЯ · МНОГО ОЧИ ТИИ ХЕРОВИМИ · ШЕСТОКРИЛАТИИ СѢРАФИМЪ · ОКРѢТЪ СТОЯЩЕ И ЛЕТАЩЕ · СТРАХОМЪ НЕПРИКОСНОВЕНЫЯ СЛАВЫ ТВОЕЯ ЗАКРЫВАЮТСЯ · ТЫ БО БѢ СЫ НЕИСПИСАНЪ · БЕЗНАЧАЛЬНО ЖЕ И НЕИЗГЛАНЪ · ПРИДЕ НА ЗЕМЛЮ ОБРАЗЪ РАБИИ ПРИИМЪ · ВЪ ПОДОБИИ ЧЛВЧЕСТѢ БЫВЪ · НЕ ТЪРПАШЕ БО ВЛДКО МАРДІА РАДИ МИЛОСТИ ТВОЕЯ · ВИДѢТИ ОТЪ ДИАВОЛА МУЧИМА РОДА ЧЛВЦА · НЪ ПРИДЕ И СПСЕ НЫ · ИСПВѢДАЕМЪ МЛТЪ · ПРОПОВѢДАЕМЪ БЛГОДАТЬ · НЕ ТАИМЪ БЛГОДѢЯНИЯ ІЕСТЬСТВА НАШЕГО · РОДЪ СВОБОДИЛЪ ІЕСИ · ДВЦЕСКАЯ БО ЛОЖЬСНА ОСТІЛЪ ІЕСИ РОЖЬСТВОМЪ ТВОИМЪ · ВЪСА ТВАРЬ ВЪСПѢЮТЪ ТА ПАВЛЕШААГОСА · ТЫ БО БѢ НАШЪ НА ЗЕМЛИ ПАВИСА И СЪ ЧЛВКЪ ПОЖИВЕ · ТЫ ИЕРДАНЬСКЫЯ ВОДЫ ОСТІ · СЪ НБСЕ ПОСЛАВЪ СТЪИ ТВОИ ДХЪ · И ГЛАВЫ ГНѢЗДАЩИХЪСЯ ТУ ЗМИЕВЪ СЪКРУШИ · ТЫ САМЪ ЧЛВКОЛЮБЬЦЕ ЧРЮ · ПРИДИ НЫНѢ ПРИШЕСТВИЕМЪ СТГО ТВОЕГО ДХА И ОСТІ ВОДУ СИЮ · И ДАЖЕ ІЕИ БЛГОДАТЬ ИЗБАВЛЕНИЮ И БЛГОСЛОВЛЕНИЕ ИЕРДАНОВЪ · И СЪТВОРИ Ю ИСТЪЧЬНИКЪ НЕИСТЪЛѢНИА · СЩЕНИА ДАРЪ · ГРѢХОМЪ РАЗДРѢШЕНИЕ · БОЛѢЗНЬМЪ ИСЦѢЛЕНИЕ · БѢСОМЪ ПОГЫБѢЛЕ · ПРОТИВЪНЫМЪ СИЛАМЪ НЕПРѢСТУПНУ · АНГЛЪСКЫЯ КРѢПОСТИ ИСПЛАННУ · ДА ВСИ ПОЧЪРПАЮЩИИ Ю · И ПРИЕМЛЮЩИИ ОТЪ НЕЯ И ПИЮЩИ ИМѢЮТЪ НА ОЧИЩЕНИЕ ДШАМЪ И ТѢЛОМЪ · НА ИСЦѢЛЕНИЕ ВРѢДОМЪ НА СТНО ДОМОМЪ · И НА ВСАКУ ПОЛЪЗУ ПОДОБНУ · ТЫ БО ІЕСИ БѢ НАШЪ · ОБНОВИВЪИ ВОДОЮ И ДХЪМЪ ОБЪТОШАВЪШИИ ГРѢХЪМЪ РОДЪ НАШЪ · ТЫ БО ІЕСИ БѢ НАШЪ · ПОТОПИВЪИ ВОДОЮ ПРИ ОИ ГРѢХЪ · ТЫ БО ІЕСИ БѢ НАШЪ СВОБОДИВЪИ ВЪ МОРИ · ОТЪ РАБОТЫ ФАРАОНА МОСѢОМЪ РОДЪ ЖИДОВЬСКЪ · ТЫ БО ІЕСИ БѢ НАШЪ · ПРОРАЗИВЪИ КАМЕНЕ ВЪ ПУСТЫНЮ И ПОТЪКЪША ВОДЫ · И ПОТОЦИ НАВѢДЪНИШАСА · И ЖАЖЮЩИЯ ЛЮДИ НАПОИВЪИ · ТЫ БО ІЕСИ БѢ НАШЪ · ВОДОЮ И ОГНЕМЪ ПРИ ИЛИИ ИЗБАВИВЪИ ИЗЛА ОТЪ ПРѢЛЪСТИ ВАЛОВЫ · ТЫ И НЫНѢ ВЛКО СТИ ВОДУ СИЮ · ДХМЪ

ТВОИМЪ СЪМЪ :-: